

四庫全書

集部

欽定四庫全書

集部

誠齋集卷

九十八至
一百四

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官學正臣翁樹棠

謄錄監生臣王茂源

為徒以顯親親永綏莫大之養為衆父父申以無疆之齡

代宰執進天申節功德疏

於赫太上身為與子之天有開必先節屈誕彌之月光
揚頌語申衍帝齡尊號太上皇帝伏願道心惟精德壽
必得紹唐統接漢緒可謂中興億舜日萬堯年不勝大
願

代宰執滿散天申節疏

欽定四庫全書

誠齋集卷九十八

宋 楊萬里 撰

雜著

詞疏

代宰執開啓天申節疏

有王者興五百年而名世使聖人壽八千歲以為春惟
燎馨薰以介祉福尊號太上皇帝伏願游心於淡與天

前期一月嚴香火之彌文佳節千秋正星虹之初度爰
熙竣事告厥寶慈尊號太上皇帝伏願齊心大庭函氣
太極二百一十載既濟中興之功八十一萬年永膺天
下之養

代宰執開啓皇后三月六日生辰青詞

詠舞雩之風載逾蘭契夢入懷之月有慶並庭呻其寶
書介以純嘏皇后殿下伏願與天齊壽合日其明六百
四十年既應誕彌之旦一萬八千歲永同當宁之齡

又皇后生辰功德疏

青煒維李載遲春日之陽紫殿有椒是生天下之母焉
依梵力用嘉壽祺皇后殿下伏願合明日君侔德天妹
佩環而助萬乘永寧金室之居奉玉而壽兩宮長對瑤
池之燕

代宰執八月二十一日壽聖太上皇后生辰

祝壽青詞

執矩少昊適行秋之正中思齊太任符夢月之嘉應藥

篇作頌箕壽申休壽聖齊明廣慈備德太上皇后伏願
博厚覩天光明合日玉卮萬歲長對上皇之觴瑤池百
純永膺西母之綬

為太安人醮星辰青詞

蒼穹昊昊仰止遼然黔首芸芸視之蠢爾惟一念之既
極則兩儀之不遐伏念臣某自頃入朝駕言將母甫充
員之再歲當受籍之三朝朝罷君王從南內萬官之後
歸持玉酒為北堂千歲之秋載驚慈顏驟膺痼疾舉闔

門而無色恍四顧之疇依籲天之心一萌勿藥之效如
響久矣羈旅未之獲酬茲焉還歸敢不盡敬召羽衣之
仙侶誦藥珠之奧篇伏望上帝下臨百神格降中錫老
親之壽永比寒門之松

為妻安人醮星辰青詞

上帝高明遠而無極下民哀籲感而遂通伏念某妻室
安人羅氏頃及月辰遽纏灾疾命已危於一髮禱遂遍
於三靈罄忱恂於方寸之間格化育於圓穹之上其應

如響厥疾乃瘳既頓復於神魂亦兼全於母子戴天地
再生之施欲報斯何薦潢汙行潦之微於文其可乃命
黃冠之侶載緒玉宇之書取繭惟馨采藻既潔願迓仙
馭下照衡閭庶昭鑒於悃誠蒙永綏於迪吉

玄潭觀度道士疏

文江壯縣玄潭古壇別得張道陵之真傳具存許旌陽
之故績冶金為蓋彈壓九淵之波濤裂石淬鋒尚餘一
劍之苔蘚看管風月可無後人吹送烟霞何愛末力或

倒帑廩或捐金珠斯集事之無難亦獲福之稱是

常州禱雨疏

吏之多罪積繆政以傷和春聿唯深乃淹時而閔雨懼
首種之不入舉小民而曰咨籲天有所徵福丕應伏願
召龍震電詔山出雲雨遍崇朝霖以三日于耜舉趾勿
令東作之違時力穡有秋允協西疇之望歲

又常州禱雨疏

維時仲夏言藝其苗瞻彼大田無寸之水敢不單於情

素以率籲於穹蒼伏念臣菲然抱虛膺此治劇

缺

乃繆政於太和薦雲縈以有所尚屯膏而未洽
儻更崇朝而不雨則將卒歲以無秋民亦何辜吏實多
罪伏願降臣以百殃之罰以儆罔功錫民以三日之霖
來蘇此早格于上帝慰彼羣生

禱疾青詞

疾痛呼天人以窮而反本高明覆物民所欲而必從敢
瀆告於再三庶徼福於萬一伏念臣某發身空乏竊祿

滿盈上不切於王家下無補於民政不肖老而後止乃
於既止而進官君子居無求安果以喻安而屬疾繫天
賜之過分致身災之自招歲將一週病尚未去不堪極
痛屢祈死以載號仰止蓋高何壅聞而未徹深省愆尤
之積曷逃星曜之臨敬介黃冠薦予丹幅願回哀眷耄
雖罪而不刑俾有夷瘳疾无妄而勿藥

淋疾祈禱青詞

鶴鳴九臯無微聲而不達旻閔庶類繫哀眷之必回豈

其蟣蝨之臣隔此痼瘵之訴伏念臣年幾八秩病已再
秋念萬物自遂於兩間咸各正其性命顧六腑獨窒於
一者曾不如於狗猪雖備古來刀鋸鼎鑊之刑未足喻
此疾痛慘怛之狀三豎並手百藥罔功餘生蔑如瀕死
數矣屢哀籲於玄造未徹聞於蓋高瞑眩小瘳根本猶
在肆旁招於羽客敬展盡於血誠敢祈昇袪一洗沈痼
脫然去體徼五福之康寧大共惟天與羣生而鼓舞

箴

言箴

金乎緘則以三圭而復亦以三前三以悔後三以悔晦則悔悔則去罪

學箴

為清江陳叔聲作

匪仁弗泉匪敬弗源心為之淵以妥其天是心未熟求躬之淑譬彼執麥而欲獲菽聖有六籍道之國都立師求友往問之途有充於中必形於外行與聖契言與聖會其或載筆以葩厥辭大本斯拔何葉弗萎咨爾後學

於斯盡覺惟其篤之是以告之

官箴

大兒長孺試邑南昌辭行問政於誠齋老人告之曰一曰廉二曰恕三曰公四曰明五曰勤因作官箴以遺之曰

吏道如砥約法惟五疇廉而殘疇墨而恕兼二斯公別無公處三者備矣我心匪通茲謂不明借諳為聰夙夜惟勤乃克有終

愚谷箴

安成劉江伯深自號愚谷益公銘之誠齋
野客楊萬里復為之箴

愚公之愚有允無誣愚溪之愚哀黠裸愚如愚之愚愚
與道俱可擇非一亦顏之徒

銘

裕齋銘

零陵嚴慶曾之齋以裕銘而屬予銘之盖予德於狹而

心於懼者也將焉取裕抑敢不銘以與吾友共守之銘
曰肇允民彝靡愆靡蚩則外是移而衷斯隳孰宴其羸
孰嗇其豐盍其反而裕哉厥躬崇崇如天若日伊煌富
以萬方光施八荒仁以覺之敬以握之維其學之是以
獲之迺門則顏氏于經于理將不姚姒盈而冲諸伊其
寇而冲而盈諸豈其授而匪授匪寇匪新伊舊人見我
新我若而人我其裕矣我其怙矣怙心驕驕其裕日消
瑞已孫子孔聖孔神而好是問可自用云齋房靚如夙

圖宵書弗性其性有如百聖

兌齋銘

鄧晉卿以兌名齋而謁銘於予則銘之曰孰蹟吾門自
門徂齋有釜而魚無醑而罍賓忘餒而主何樂哉曰樂
斯何僕夫其哈有韋者編有麗者澤潤而作兌交相為
益厥益交如其弗悅懌惟聖作則爰得講習兩儀乃神
講則貫兮萬理衆顓整弗亂兮相彼一闕悅言乎利我
友萃止則喻於義口之非難性之惟艱羣餽獨欣易牙

則然孰天而言孰聖弗傳我友歸止我其求旃

寓庵銘

歐陽伯威名其居曰寓庵徵銘於誠齋野客楊萬里乃
銘之曰言壓我居言遽我廬我寓我軀載離我梓載旅
彼地我寓吾里曾是里離曾是廬隳而子寓為曰人斯
生控搏漚塵于誰儼真漢來秦去能幾寒暑茲不曰寓
矧吾與若寄是垠壖胡蒂胡絡咨爾寓翁既儒厥躬亦
古厥風賈而未售夸誕爾味聃周禦寇可浚匪洙可詠

匪霄執聖之樞宅彼回室瞻彼尼日後天其息有寓有窮有居無終不在其終乃定乃宿乃蒙乃穀乃匠乃玉弗勲則書其以久渝子獨忽諸

書室銘

室不厭虛書不厭整牖不厭明几不厭淨君子資之君子飾之四物敢侮非天疇欺我躬匪几我性匪牖莫整莫虛心有弗疚

七星研銘

端溪七星研紫巖先生故物也其子敬夫以遺予則銘而藏諸銘曰金玉其聲追琢其泓端溪之英紫巖之明惟仲敬夫貽我誠叟發櫝瞻之日中見斗楊氏所客墨氏所國逃楊逃墨子將奚適

充齋銘

毛氏說作齋房讀書其中名之以充請銘予銘之曰人皆玉其廬莫或玉其軀人皆穀其腹莫或穀其德爾胡不思爾則不貲孰降之衷孰秉其彝有降靡竭有秉靡

奪有親靡愆天以人威晚柯匪柯曾是遠而操亡去亡
曾弗及而推之而充何埴弗崇充之而實何穡弗鉅績
之幽幽織之油油言製其秩其衣其裳爾室燠只爾
弗鞠只爾弗勗只東方旭只

務本齋銘

永新左揆字正卿嗜學進道命其齋以務本艮齋先生
記之矣復請銘於誠齋楊萬里則銘之曰畯穡乎獲梓
穡乎斲繫士所穡何穡非學學將奚先何學非賢自賢

而聖自聖而天澮則有岸則有畔天之道畔岸河
漢河漢可涯道可方思其端惟四乃六其藝既三其綱
亦五其常闢之彌幽跂之彌悠據其一原萬善奚求人
有怙恃誰無孟季執柯伐柯乃睨而視之二典兩帝參
天兩地曷濟登茲不曰孝弟有若肖尼參乎攸蚩本立
道生是以似之瑟彼學子遐不務此聖其遠而子其反
而

存齋銘

吳丞名必
大字伯豐

永興吳君其丞吉水名齋房曰存謁予銘之銘曰天與
天精孔神孔明肇域彼中局宅是壞庭我有神舍弗擷
于夜寇入在宇我出在野在宇一斯其從千之在野懷
歸室是遠而將聖有續予為孟孫之族導汝歸宿寇則
逐逐匪予女歸女勿去兮匪彼女寇女弗居兮女室載
寧汝挾載宏宗廟百官疇不女或承尼日堯牆有覲斯
煌有陟斯昂則莫我敢當道腴義梁詩冠禮裳有操無
亡莫知其鄉

緩齋銘

吾友吉之戶曹掾趙君括少監提刑老先生之次子也
賢而能儒而文當莅職之初名其公之齋房曰緩謁予
銘之銘曰急為緩師師匪弦規緩為急資資之在韋有
鳴者鷄二人同孳一跣一媯塗是遠而君子所履疇彼
疇此韋弦由已不可則止萬趾徐徐繫善之逋舍韋而
趨如鎬赴兔萬指汲汲繫利之拾舍弦而戢如毀違濕
宜赴而違曷媯之歸宜違而赴曷跣之去跋聖之藩求

魴於山網鰓於淵於萬斯年之子嗜學家有老斲過庭
有覺其避疾而作

敬齋銘

新喻蕭一致字伯易三堂居士從義孫也山谷為作三
堂銘敬齋作敬禮曰毋不敬程子曰主一曰敬銘曰維
事維萬維心維一聽奕思鴻維貳維忽貳豈其忱忽豈
其欽維動維言其弗散心三堂孫子學以為己欲趾聖
門主一為址謹獨凜然履臨冰淵及奏厥成對越昊天

省庵銘

西昌梁大用字器之篤志嗜學進未慙也命其讀書之
室曰省庵來乞銘銘曰人無鑑銅當鑑以身人無鑑身
當鑑以心一善之萌鬼神知之非鬼神之知吾心已知
一不善之作海漚亦覺非海漚之覺吾心已作知之斯
行吾心吾朋作之斯絕吾心吾鉞鉞孰赴省則勇而朋
亡鉞喪昧則縱而以省躬昧維聖作對以昧繫省摘埴
觀井三省以日吾省以時參省以三吾省于之維聖無

過維賢寡過欲寡未能敢其情

西塾銘

禾川寧行之作西塾以訓迪厥子乞銘於誠齋老人銘
之曰衛俞之族有西其塾維學之麓維子之淑咨爾子
孫于弟于昆洗心寧神明聽話言我築我廬爾羣爾居
有易春秋有詩有書琴在在牖書在在手爾誦爾弦以
復爾有爾有伊何伊孝伊忠伊義伊仁于玉爾躬雞既
鳴矣爾夙爾起日之夕矣爾膏爾燬具體維淵聽視言

動維禮為塗雄趨聖門命世維孟盡心知性俯蹴百氏
仰承三聖匪孟匪顏于跂于攀瞻彼數仞壁而登天潛
而未徹如攻堅木徹而莫禦如泉赴谷由心而身由身
而親由親而君氣至如神咨爾孫子爾聆爾思非道弘
人室是遠爾

贊

文潞公畫像

竺景東畫文潞公像陳勉之攜來求贊曰俾宋作古自

我仁祖心一德同潞國文公不兵不革正是顏色式是
中國震是戎狄有頰者冠忽然在前喜有人焉焉知九
原

醉筆戲作生菜贊

粹乎蔬則已瘠粹乎肉則以腴腴而不腴蔬茅肉也瘠
而不瘠肉膏蔬也孰使予最雲子之課拓歡伯之疆者
不在茲乎不在茲乎

桑贊

其葉可溫其蕢可殮其幹可薪其藥可根有裨乎人無
愛乎身墨氏之仁

玉石贊

山有玉工則琥之溪有石家則礎之士有韞人則齧之
吁

張定叟畫像贊

淊之西東轉饒而豐其誰之庸朱張兩公神臯天咫吐
銓其理後先趾美維張與李孰知夫傾東海於談餘振

華嶽於物初顧是區區是殆見吾善者機歟長松白石
清泉激激杖屨野服於一丘一壑之間予安得從定叟
於南山之南北山之北

自贊

吾友王才臣命秀才劉訥寫予真戲自贊曰汝銅弗長
汝趾弗強毋駛汝頑毋競汝驤于厓于濱其窈其茫曠
曠其光弋誰汝傷秋作月荒春作華音花荒哦者遜兀
者遜狂汝老是鄉莫與汝爭鋒

張伯子尚書畫像贊

江西連帥華學尚書篤素居士張公伯子之畫像大兒
長孺圖之以示予一別十年千里再見敬贊之曰戾戾
契契逢怖則折嘻嘻休休覲誘而流有偉張公洵素且
沖匪石厥衷迺玉厥躬勁于疾風柱于河洪淑兮其度
怙慝不惡弗撼弗助弗誘弗怖曲江之持于湖之擒孟
氏之素其不在茲

張欽夫畫像贊

唐德明示亡友南軒先生畫像敬為之贊曰名世之學
王佐之才一瞻一慟非為公哀

寫真贊

吉州通守趙德輝命史寫老醜戲題之曰有綸者中有
藜者杖雲嶠風杉步月獨往龍伯國之民歟無功鄉之
民歟

王時可命敏叔寫予真題其上云髯中鶴裾山澤之臞
汝荷簣之徒歟抑接輿之徒歟

張功夫畫像贊

功夫久別喜得邂逅寒溫之外勞苦之曰香火齋祓伊
蒲文物一何佛也襟帶詩書步武瓊琚又何儒也門有
珠履坐有桃李一何佳公子也冰茹雪食琬碎月魄又
何窮詩客也約齋子方外歟方內歟風流歟窮愁歟老
夫不知其問諸白鷗

張功夫命水鑑寫誠齋求贊

索汝乎北山之北汝在南山之南索汝乎南山之南汝

在北山之北丁寧溪風約束杉月有問汝者千萬勿說
誰遣汝多言而滑稽又遭約齋之牽率

樂府

誠齋歸去來兮引

儂家貧甚訴長飢幼穉滿庭闈政坐瓶無儲粟漫求為
吏東西

偶然彭澤近鄰圻公秫滑流匙葛巾勸我求為酒黃菊
怨冷落東籬五斗折腰誰能許事歸去去來兮老圃半

榛茨山田欲蒺藜念心為形役又奚悲獨惆悵前迷不
諫後方追覺今未是了覺昨來非

扁舟輕颺破朝霏風細慢吹衣試問征夫前路晨光小
恨熹微

乃瞻衡宇載奔馳迎候滿荆扉已荒三徑存松菊喜諸
幼入室相攜有酒盈尊引觴自酌庭樹遣顏怡

容膝易安栖南窓寄傲睨更小園日涉趣尤奇儘設柴
門長是閉斜暉縱遐觀矯首短策扶持

浮雲出岫豈心思鳥倦亦歸飛翳翳流光將入孤松撫
處淒其

息交絕友塹山溪世與我相違駕言復出何求者曠千
載今欲從誰親戚笑談琴書觴咏莫遣俗人知

邂逅又春熙農人欲載菑告西疇有事要耘耔容老子
舟車取意任委蛇歷崎嶇窈窕丘壑隨宜

欣欣花木向榮滋泉水始流澌萬物得時如許此生休
矣吾衰

寓形宇內幾何時豈問去留為委心任運無多慮顧遑
遑將欲何之大化中間乘流歸盡喜懼莫隨伊

富貴本危機雲鄉不可期起良辰孤往恣遨嬉獨臨水
登山舒嘯更哦詩除樂天知命了復奚疑

上章乞休致戲作念奴嬌詞以自賀

老夫歸去有三徑足可長拖衫袖一道官銜清徹骨別
有監臨主守主守清風監臨明月兼管栽花柳登山臨
水作音做成詩三首兩首休說白日昇天莫誇金印斗

大懸雙肘籍甚廬陵新盛事三箇閒人眉壽揀罷軍員
歸農押錄致政誠齋叟只愁殺螺江門外村酒

七月十三日夜登萬花川谷望月作好事近
月未到誠齋先到萬花川谷不是誠齋無月隔一林修
竹如今纔是十三夜月色已如玉未是秋光奇絕看
十五十六

昭君怨賦松上鷗

晚飲誠齋忽有一鷗來泊松上已而復去

感而賦之

偶聽松梢撲鹿知是沙鷗來宿稚子莫誼譁恐驚他
俄頃忽然飛去飛去不知何處我已乞歸休報沙鷗

昭君怨詠荷雨

午夢扁舟花底香滿西湖烟水急雨打蓬聲夢初驚
却是池荷跳雨散了真珠還聚聚作水銀窩瀉清波

武陵春

老夫茗飲小過遂得氣疾終夕越吟而長

孺子有書至答以武陵春因呈子西

長缺歸兮踰十暑不着鵲鷄冠道是今年勝去年特地
減清驪 舊賜龍團新作祟頻啜得中寒瘦骨如柴痛
又酸兒信問平安

水調歌頭賀廣東漕蔡定夫母生日

玉樹映階秀玉節逐年新年年九月好為阿母作生辰
澗底蒲芽九節海底銀濤十頃釀作一杯春泛以東籬
菊壽以漆園椿 對西風吹鬢雪炷香雲郎君入奏又

迎珠憶入修門看即金花紫誥併舉蒲常兩國冊命太
夫人三點台星上一點老人星

四月十八日同履常子上晚酌戲集句作四

月之詩五章章四句

四月嘗春酒及時魚也四月維夏凱風自南綠竹猗猗
維石巖巖我有嘉賓賁然來思為此春酒酌言獻之南
有嘉魚維其時矣維筍及蒲維其嘉矣園有桃李左右采
之標有梅薄言掇之今夕何夕月出皎兮東方未明不

醉無歸

誠齋集卷九十八

欽定四庫全書

誠齋集卷九十九

宋 楊萬里 撰

雜著

題跋

跋御書誠齋二大字

淳熙十三年三月十九日今上皇帝陛下於東宮榮觀
堂召宮僚燕集酒半從至玉淵堂詹事臣邨臣端禮諭

德臣揆侍講臣表各傳刻所賜御書齋名籤軸以進再拜稱謝惟侍讀臣萬里於同列為末至蓋已嘗有請因再拜申言之皇帝陛下欣然索一大研命磨潘衡墨染中屠覺竹絲筆乘興一揮誠齋二大字贈檢詳六小字識以清賞堂印視諸齋字畫雅健相若而精神飛動似覺更勝恭惟皇帝陛下心畫超詣雲章昭回龍跳虎卧鸞飄鳳泊蓋天縱之能聖學之餘也臣既拜賜退而寶藏之於家今假守高安郡幸逢六龍御天之初敬刻之

金石以侈寒士千載之榮遇云淳熙十六年歲次己酉
八月戊子朝議大夫直秘閣知筠州兼管内勸農營田
使偕紫臣楊萬里拜首稽首謹書

跋御製梅雪詩

今上皇帝陛下在東宮榮觀堂宴羣僚日既為臣萬里
親洒翰墨作誠齋二字復書御製賞梅詩一首五紙將
以分賜臣邲臣端禮臣揆臣萬里臣衷置之几上莫敢
先取者臣萬里即請云敢用劉洎登牀故事乃急取此

紙蓋肆筆最得意者皇帝天顏為之載穆羣僚皆有歆羨之色是歲冬皇帝一日復命春坊臣特立傳賜羣僚以御製梅雪詩三首凡五紙恭惟皇帝陛下道德之極崇典學之緝熙固已登咸二典三謨之業聖文之渾噩詩句之高古又復憂擊商頌周雅之音視大風之歌秋風之辭皆莊周所謂風斯在下者臣敬刻之高安郡治俾士民誦之詠之與雅頌異時同聲焉淳熙十六年歲次乙酉八月戊子朝議大夫直秘閣知筠州軍州事兼

管內勸農營田事借紫臣楊萬里拜手稽首謹書

跋張欽夫介軒銘

欽夫之文清於氣而味永吾見之多矣而猶恨其少讀此銘詩欣然殊慰人也君子之於水木竹石愛之與人豈異也衆人之愛水木竹石也愛水木竹石而已矣欽夫愛唐氏之石而得乎介又以其得而施及於唐氏則其愛也水木竹石而已乎有來觀者其愛與欽夫同不同未可知也一笑而書其後所以一笑者予欲書而忘

其書也紹興壬午廬陵楊萬里跋

跋熊叔雅所作唐傑孝子贊

孝慈者多連理同蒂之應世以為祥非也當時孝慈所
化草木亦孝慈耳觀孝子唐傑之事豈不然哉嗟乎草
木非有知也人非無知也或化焉或否焉又何歟

過楊塘趙清獻公神道題柱

衡州地

是惟清獻之墓過者可不敬乎敬斯慕慕斯為二之前
則曰能一之後則曰不能敬猶不敬也吾從楸之

跋歐陽伯威詩句選

右歐陽伯威詩句之釋也予既序其脞辭復手抄此數
紙自有用處每鳥啼花落欣然有會於心遣小奴挈瘿
樽酤白酒醕一梨花瓷瓊急取此軸快讀一過以嚙之
蕭然不知此在塵埃間也而伯威喜予書又奪去此紙
誰復伴幽獨者年月日跋

題曾無逸百帆圖

千山去未已一江追之予觀百餘舟出沒於風濤縹緲

雲烟有無之間前者不徐後者不居何其勞也而一二漁舟往來其間獨幽然若無見彼何人也耶

跋章友直草蟲

春寒爾許新蟬新蠅輩遽出耶細觀蓋章伯益墨戲也
庚寅月上巳日楊萬里跋

跋曾無逸所藏米元章帖

米家字帖遭逢紹興聖人謂字字歸復古殿中矣而此紙尚遺人間士之遭時求其必不遺難哉

跋曾正臣兩疏圖

予每讀唐人文字喜言兩疏畫圖惜不得見今真在眼中矣然以孝宣清明之代而二先生何去之早耶及觀蓋寬饒傳則知都門祖帳之觴二先生父子相顧飲之彼猶以為晚爾

跋劉景明四美堂序

此吾友劉景明比作四美堂序也蓋禾川晚秋圖也乾道六年九月望誠齋堊客楊萬里跋

跋陳與權印五經善本

以書刻印者未有利焉者有不利焉者惟異端之書
為然刻異端之書則有所以刻者貪其利也朝刻其書以
貽諸人夕計其福以貽諸身烏在其不利焉者歟南雄
陳經於光堯朝以童子科免秋賦詣太常未得志於有
司退而嘆之曰有司之門則不可以逕而入也聖人之
門其不可以徑而入哉益讀古書以溉其心以樹其身
以晤其辭章益退而後進者也病夫書肆之刻五經者

字畫之不精脫訛之不更求善書者寫而刻之使來者皆得以印印之嗟乎利之不斬福之不計異端之不溺士之若陳子者稀矣五經之彰繫於刻不刻耶不繫於刻不刻也於斯三者吾獨以嘉陳子年月日某謹書

跋陸宣公古方

陸宣公之貶也杜門集古方書而已或曰避謗者歟或曰窮而不怨也揚子曰宣公之心利天下而已矣其用也則醫之以奏議其不用也則醫之以方書有用有不

用者宣公之身也宣公之心亦有用有不用乎哉

題曾無已漁浦晚歸圖

浦吾里舴艋吾宅黃帽郎吾侶也苒苒京塵於今三年
偶開曾無已此軸風煙慘澹波濤洶歔欣然振衣登舟
云乾道癸巳月日書

跋歐陽文忠公秋聲賦及試筆帖

六一先生墨妙每見石刻未見真跡也今乃得見秋聲
賦試筆帖先生之孫提幹不來歸故鄉安得此奇覩提

幹云尚有集古錄跋及家書四百餘紙某聞之雖喜然未敢盡求觀也某山林之日月方永欲一日盡此四百紙何以卒歲

跋李成山水

余葺茅棟而工徒病雨擾擾未肯畢也今日偶小霽鳴鳥之聲樂吾友王才臣偶攜李成山水一軸未展卷烟雨勃興庭戶晦冥吾廬何日可了耶

跋趙大年小景

予故人曾禹任寄似大年小景敗素一規不盈尺也愈
視愈遠忽去人萬里之外然水石草樹鴻鴈鳬鷖可辨
秋毫予剝欲放目洞視之而舊以挑燈抄書目眚屢作
嘗詣之醫醫云窮睇遠睨目家所忌也偶憶此戒速卷
還客

跋蘭亭帖

右蘭亭記曾禹任得之諫議大夫毛氏毛氏得之淮陰
非近時襲訛者也予見元明跋山谷書云山谷謫黔泝

峽舟中日日惟把玩石刻一紙蓋此記也故末歲筆法
超絕云予聞五更侵早起更有夜行人願持此句子寄
聲山谷

跋浯溪曉月錢塘晚潮一軸

予以歲癸未官滿浯溪去年自杭都補外每懷兩地山
水之勝輒作惡數日所謂東西南北皆欲往千山隔兮
萬山阻者歟今日獨坐釣雪舟中風雪方霽故人曾禹
任邀我乃併至兩地此殆夢中事也

跋劉彥純送曾克俊作室序

曾克俊之居距吾家三里而近予每步訪之周以脩竹面以東山甚愛其幽勝然目留而心不隨忽喜而忽懼往往不及坐而去者盖克俊之幽境能悅人未若克俊之破屋能逐人也西溪先生所謂將壓者特聞而知之焉爾今則又甚矣西溪所謂左撐者前日晨炊不熟取以煬竈而疇昔之夜雪作地爐無火復取所謂右支者薪之矣適有天幸入冬不風後此數月春風勃興此屋

亦殆矣哉因克俊攜西溪序篇來附書左方以告仁人君子之憐克俊者

跋張安國帖

張安國書甚真而放如此然學之者皆未嘗見公之足於戶下者也

跋許將狀元與蔣穎叔樞密帖

前輩與執政書亦猶字之今人年未三十一舉於禮部則鄉先生不敢字之且稱曰張丈李文丈矣嗚呼其益薄

矣夫

跋半山老人帖

半山老人此帖蓋與劉丞相之子元忠待制也紙尾云
外物之來寬以處之此老心法也佩玉廟堂而面帶騎
驢荒陂之色觀其字知其人

跋曾子宣帖

曲阜筆跡斷爛可惜擣粉為牋其色也豈不滑澤可愛
其久乃爾問交亦然

誠齋集卷九十九

欽定四庫全書

誠齋集卷一百

宋 楊萬里 撰

雜著

題跋

跋郭功夫帖

俗吏之冗不得觀書功夫所厭此殆與予同病也

跋薛諫議曾都官帖

薛諫議曾都官與親戚少者書前署名而後花押使施之今日後生怒罵不置矣

跋山谷小楷書陸機文賦帖

予嘗見前輩言山谷先生為人書古人詩文初非書亦非已出必問求書者曰子欲某史某傳乎某賦某詩乎文選諸賦自三都二京子虛西京江海之外文賦辭最多而先生一筆為晁仲旬芻民書之雖未卒章亦不少矣今之士引筆未識偏旁姑無以譙為也能不以檢書

而寫古人詩書字六七十如五六十者有幾顧曰筆書
記誦學之末乎爾以此帖示之得覆醬瓿其榮厚矣年
月日跋

跋王才臣史論

此吾友王子俊才臣年十七時所作歷代史論十篇也
是時老氣橫九州毫髮無遺恨誰謂只今猶子餘後耶
今尚書承旨周公每歎科舉之刀尺精於擇士而粗於
擇有司魚網之設鰕則麗之其意端為王子發也吾又

笑言

跋曹達臣所作蜥蜴螳螂墨戲

歸愚居士達臣余家親戚且最厚者予知其蓄學問善
議論今古而已其子無逸為予出二蟲敗紙而有生態
予既驚喜其奇觀又歎平生初不知達臣之多能也所
挾愈大者其知愈狹予之不知達臣獨此而已乎之二
蟲又何知淳熙己亥季冬十七日誠齋野客楊某書

跋尚提幹所藏王初寮帖

覽王初寮帖卷首愛其字畫美秀然其神氣風骨竟莫
名其胄出也最後次韻尚仲明衡陽十絕句如歡壺鴈
峯等字乃知其為東坡之別子其有出之於建炎之後
而祕之於宣政之間耶蘧蔭之下誰知庚永政在此也

跋東坡所書雉帶箭大字帖

東坡先生所挾孰非招尤取疾之具復出此掀天決地
大字投畀嶺海豈元符大臣罪哉

跋米元章登峴大字帖

某學書最晚雖遍參諸方然袖中一瓣香五十年未拈出也今得見米禮部登峴大字乃知李密未見秦玉耳
跋尚仲明文藁

知已在言路此巧宦者進軟語待彈冠之秋也尚仲明抵之以書規其患失而詭其盡言拙矣哉

跋謝昌國所作何孝子傳

昔柳子厚書段太尉事以諗史官今謝子書何孝子事以諗予予野人也何孝子於是為不遇矣年月日楊某

跋

跋韶州李倅所藏山谷書劉夢得王謝堂前

燕詩帖

此山谷歸自黔南之官當塗時所作也雖放舟大江順流千里而兩岸雲烟三峽怒濤尚勃鬱洶湧於筆下

跋蘇黃滑稽錄

此東坡山谷禮闈中試筆滑稽也蓋莊周惠子不幸再相遭者或問二先生語何經見予曰坡谷聞之憑虛公

子憑虛公子聞之亡是公亡是公聞之非有先生

跋東坡小楷心經

予每見山谷自言學書於東坡初亦啞然思是下惠之
魯男子也今觀心經乃知波瀾莫二昔宋人請南長萬
於陳陳人飲之酒醉而以犀草裹之比及宋手足皆見
跋劉原父制詞草

歐陽修 宋祁 范鎮 王疇 宋敏求

勅古之為

國政

者法後王為其與已近於其制文物之可

觀也故唐宋有天下且三百年其聖明君賢臣忠相與經

營扶持之

已行事多矣而史之所記官非其人

記述

失序至於興壞成敗之迹晦而不彰朕甚恨

故擇廷官使筆

削舊貴文書勒成一家

統紀裁成大體具官某

具官某

之具某具官某創列

遺俊逸具官某

厥協異同凡十有七年大典乃

閱立富

博洽緝異聞

越諸子矣皆讎其

古鑒今以立時治為朕得法其勞

功朕將據

不可忘也皆遷一等○頒藏其書於太學天下使學者

得有頒咸觀焉

某可某官某可某官某可某官某可某

官某可某官餘官勲賜如故

右是先生作歐宋五人唐史書成第賞增秩制藁塗改字畫一一尚可察也皆讎其功四字初當在遷秩一等之上豈意匠中變而筆偶遺削歟廬陵楊萬里書

跋張忠獻公劉和州三帖

紫巖先生之用心有一念不在憂社稷軍民與愛惜人材者乎學者觀其與劉和州三帖先生之學亦可以嘗

一勾知江海矣和州之才附託此紙不既焜煌矣夫

跋張忠獻公委劉通判仲謙應辦光堯車駕
勞軍雜務專行歷

士之才不才惟遇變乃見變在應應在速速在暇應變
而速應速而暇近世如仲謙亦鮮乎哉大臣任天下大
事而幕下無人才信不可歟

跋尤延之戒子孫寶藏山谷帖辭

山谷此帖余初官三衢買之無錢剥落茶杯托釵銀

數兩以易之子孫其永寶之錫山尤延之書

計鈔銀重輕足可供億不知何人杖頭之資者半月而
顧以易之山谷此帖後必有市於色而抵之地者廬陵
楊萬里跋

跋鄭威愍公事

近世培養人才忠孝成俗至本朝盛矣唐五季代全軀
賣國之風於是一變慶厯元祐之間忠臣義士充盈朝
野非諸老之賢祖宗之勤也其積豈一朝一夕哉自紹

聖崇觀之大臣指諸老為姦邪挫握銷泯不盡不置也而靖康之禍猶有死禍如威愍鄭公者此固前日姦邪之遺種而紹聖崇觀之大臣所銷泯不盡者耶噫慶厯元祐之姦邪可少哉至於銷泯不盡可以觀祖宗之澤矣公玉山人擢進士第靖康間守同州敵破城公死之名驤字潛公廬陵楊某書

跋張功父所藏林和靖摘句

天不密則失神人不密則失天和靖三十聯刻露天秀

別挾造化幾事不密如許窮老而不悔有以哉

跋洪治中梅蘭竹水墨畫軸

孤竹之君靈均之紉子真之孫避世霞外物莫作對疇
敢尋葵丘之會惠然盍簪參語其森其侶若林胥砥以
節胥芬以烈雪潔玉潔翦招來同伊誰庸公猶曰中書
之不中也耶

跋黃齊賢通鑑韻語

迂叟通鑑之書大萬萬言不啻也黃君齊賢終一事為

四言舉四言得一事卷而懷之通鑑在袖間誦而記之
通鑑在舌端矣此學者之利也或曰此書之不忘通鑑
可忘乎曰不忘此書然後可以語通鑑之不忘不忘通
鑑然後可以語通鑑之忘學者謹之淳熙丁未三月十
二日誠齋楚客廬陵楊廷秀書

跋龜山先生帖

右龜山先生與陳幾叟書如云漢陽命下登州不即遣
乃覆奏俟命聖恩寬大州郡乃爾然還不還皆天也此

為陳了翁發也聖恩寬大州郡豈不知之然寧敢於違詔而不敢於違奸臣是以復奏也使有謫命必不覆奏矣嘻其時何如哉

跋默堂先生帖

右默堂先生與其弟朝宗書論其友程王二學之是非謂自古及今唯有一是大哉言乎至謂王氏禍天下之罪雖世無孔孟亦不免聖代之誅或曰世無孔孟則默堂何據而誅王氏乎曰人心而已矣然則不必據孔孟

乎曰孔孟人心而已矣

誠齋集卷一百

欽定四庫全書

誠齋集卷一百一

宋 楊萬里 撰

雜著

題跋

跋廖仲謙所藏山谷先生為石周卿書大戴
禮記序篇太公丹書

文字中喜用古人語此自是山谷一法也如先生美米

後生為秕以貧賤有人易以富貴有人難之類此呂覽語也豈盡然哉而今集中至全載丹書諸銘與山谷之文相亂蓋山谷嗜此銘故每喜為人士書之耳此軸其一也莊周之蝶不可以告周子之兄信有是事淳熙丁未六月十九日

跋謝安國詠史詩三百篇

遷固紀傳一篇百千言而安國納之於廿字杜少陵所謂咫尺應須論萬里者與誠齋揚萬里淳熙丁未八月

二十日書

跋段季承所藏三先生墨跡

六一先生半山老人東坡居士間何闊也因段季承為介紹乃一日併得望履幕下快哉淳熙丁未至後三日廬陵揚萬里敬書

跋豐城府君劉滋十詠

豐城府君愛山成癖不知身之化為山歟山之化為身歟讀山中十詠覺嵐翠染衣岕凍襲骨淳熙丁未十二

月七日誠齋野客楊某跋

跋蕭武寧告詞

某聞吾鄉蕭氏藏弄其祖武寧府君仕於吳時告命而未之見今日延卿姑夫攜訪相示墨色如新不知其為異代二百餘年以前物也自武寧至延卿於是九世矣微祖孫仕學相承能如是傳之之永乎余知蕭氏之未央也豈惟未央其必有興者慶元戊午四月十一日誠齋野客楊某敬書

跋蕭侍御廷試真書

侍御蕭公廷試文卷一日三題文不加點固難能也而其詞深厚淳質不曜浮文如太羹元酒渾金璞玉可以見祖宗時人才之邃雅矣慶元戊午四月十一日誠齋野客楊某書

跋趙士隆江州死節墓碑

趙端國初相識於金陵詞粹而氣淑以為其人恂恂儒者也別去七年昔歲之春來為吾州上幕與之把酒道

舊故為笑樂外莫知其挾未幾則聞潔廉自將正學以
言守法以立每議一政一事山可移不可奪蓋天下之
士乃未易知如此哉今日王才臣來訪袖出端國之曾
大父總戎公墓碣與前輩諸公間題傳後語讀未竟舍
卷起立髮上衝鬚髯畢張且憤且悼而繼以泣曰嗟乎
忠義信有種乎魯無君子者斯焉取斯而太史公乃曰
天之報施善人伊何如耶昔魏文帝以世無火浣布信
有是事年月日某敬書

跋蔡忠惠公帖

世傳仙人呂公飲酒家大醉自寫真壁間而去明日觀者如堵牆或以問予曰傳者誕也或曰寫者亦誕也予不能決友人蔡定夫寄贈其祖忠惠公帖讀至思杜祁公過孫資政詩惜殿中君謫春州事簡牘因悟曰呂公事非誕矣或曰何用知之曰忠惠斯言非為三子發也然則誰為曰是亦忠惠自寫真也或曰子之言亦誕矣予茲不能決并書於跗以決諸定夫

跋李氏所藏黃太史張右史帖

右山谷帖二十七紙張右史十一紙予友人李師心攜以示予蓋自其從曾祖承議公與二先生還往之尺牘藏弄至師心今四世且百有餘歲矣其紙新其墨濕猶昨日物也藏之久而莫之竊觀者衆而莫之奪其守寶有道哉予於是有感焉豈惟此帖哉又有大馬者使李衛公子孫能守其花木竹石魏鄭公子孫能守其宅與笏房杜子孫能守其門戶皆如李氏子孫之守此帖至

今存不存也予於是重有感焉豈惟數姓之所有哉又有大者焉年月日誠齋野客廬陵楊萬里廷秀敬書

跋主管乃祖忠節錄

二叔叛周七國反漢而我宋建之永豐有誨道直閣齊丘有令成長沙有三聿之三公皆以屬籍死節節貫三光名塞兩儀霜松雪竹生我靈囿世謂今人不如古其然乎哉直閣之孫彥權示予以忠節錄敬書其後

跋李伯珍詩卷

伯珍取別一星矣今日安成劉伯疆送似渠癸丑詩一卷清新俊逸奄有二子成三人矣今想更進觀伯珍之進自笑予詩之退也

跋張永州尺牘

右同郡齊年同舉張公叔保之尺牘也是時余棄官山居而叔保為豫章別駕與予此書卑詞絮繭殆過乎恭此禮應上官乎施不應朋友乎施者予再拜辭而歸之其子履乃能藏弃此紙把翫手澤如新覽之淚落林謙

之劉賓之每云叔保佳士恨不盡見其文然牋記中亦可見其一斑此牋又一斑者嘉泰元祀六月庚寅誠齋野客楊某跋

跋張伯子所藏兄安國五帖

于湖張公下筆言語妙天下當其得意詩酒淋浪醉墨縱橫思飄月外興逸天半東坡云李太白死世無此樂三百年矣某初挂名於公之榜又嘗再見公於直廬今其季伯子尚書寄示五帖開卷未了山立玉色凜然在

人目中也或曰昔東坡雄雉而服子由之近道今于湖
邁往而愛伯子之端愿何也某曰東京人士有問二荀
於許章者曰靖與爽孰賢章曰二人皆玉也慈明外朗
叔慈內潤嘉泰元祀六月戊戌誠齋野客楊某敬書

跋彭道原詩

吾族與蕭氏世姻也而未聞有所謂敦節堂者因觀彭
道原此詩問堂無恙則化為荒烟野草久矣曾不百年
而物之廢興如此是可歎也至於昭甫之名節則千載

凜然堂何與焉嘉泰元祀六月庚子誠齋野客楊某書

跋羅天文墨蹟

右此帖子婦翁印山先生羅公天文送士人曾千里序也予往來印山求公之文章字畫而不得今其孫紹何許得此紙再拜三讀悲喜相兼瓌詞妙墨蕪麗山谷此羅氏密須之鼓封父之繁弱也君家子子孫孫永言寶之自紹興辛酉三朝至今歲嘉泰辛酉良月初吉蓋甲子一周矣此帖六十年乃出而歸羅氏物之顯晦故自

有時耶況於人乎誠齋野客楊萬里敬書

跋袁機仲侍郎易贊

右易贊并序吾友子袁子機仲侍郎作也微斯人眸子
不運而見三聖一心空洞以納太極能倒傾蛟室寫此
璚瑰否誠齋野客楊萬里敬書

跋喻子才為汪養源書李元中鞠城銘

李銘汪碑喻題若著同時注規異時遺珪一日三師累
其庶幾

跋王瀘溪民瞻先生帖

瀘溪先生以詩取老檜之嗔二沈希其意出力擠老先生以策元勲竟何成耶先生料其不三年必有大咎果若其言又四年檜亦殪古語云前車覆後車戒嘉泰壬戌後五日門人楊萬里敬書帖尾而歸之其宅相彭夢協云

跋林黃中書忠簡胡公遺事

林侍郎黃中一字寬大其所書澹庵先生遺事當萬里

作行狀時所未聞者豈特某所未聞其子孫亦所未聞
也是時王之望尹穡得志其威能陷張魏公而不能不
折於先生之一詰其辯能獎敵勢以脅其上而不能不
沮於先生之一答不謂大丈夫乎

跋忠簡胡公先生諫草

澹庵先生之孫覲寄示先生諫草凡十一行卒章云臣
不忍見敵兵入門等語其痛次骨萬里讀至此不覺涕
泗之沲若也蓋當是時和戰未定之時也國是數定而

屢搖國勢將怯而復壯仲尼曰民到於今受其賜

跋張魏公答忠簡胡公書十二紙

此帖十二紙皆紫岩先生魏國忠獻張公答澹庵先生
忠簡胡公手書也紹興季年紫岩謫居於永澹庵謫居
於衡二先生皆六十矣此書還往無一語不相勉以天
人之學無一念不相憂以國家之患也萬里時丞零陵
一日併得二師今犬馬之齒七十有六夙夜懼此身將
為小人之歸復見此帖再拜三讀二先生忽焉洋洋乎

如在其上如在其左右

跋山谷踐阼篇法帖

予頃丞零陵嘗於同官張仲良許觀山谷先生小楷兩都賦歎其多而不疲且愈精也仲良笑曰此未足歎也予知其下筆時乎學者每求作字山谷必問欲六經何篇左氏傳太史公班孟堅書何篇他詩文亦然即隨所欲一筆立就命取架上書閱而校之不錯一字蓋張中丞口誦山谷筆記也西昌彭孝求好古博雅示予踐阼

篇因記所聞於後予嘗見章懷太子注范蔚宗後漢書
載武王衣銘云蠶事苦女工難得新棄故後必寒而此
篇無之豈逸文乎抑見他書也則併志之年月日某書

跋李彥良瑞木

董生孝慈瑞見犬鷄韓子詩云刺史不能薦天子不聞
名歎其不上聞所以媿其不能薦者也彥良平國之孝
友幽能致瑞於天而明不能上名於朝當有蒙其媿者
今彥良之孫彥從能傳大父之學用心如止水卹族如

葛藟瑞木其莊榮李氏其有與嘉泰甲子孟陬晦某書

誠齋集卷一百一

欽定四庫全書

誠齋集卷一百二

宋 楊萬里 撰

雜著

祭文

祭張魏公文

具官楊某謹以清酌之奠西望慟哭百拜致祭於近故
大丞相少傅魏國公張先生之靈嗟乎殄瘁之悲天人

否同臻至極者孔明與公敵人骨驚中原欲平厦屋垂
成而折其薨孰喪孔明非天而天孰喪我公天而非天
胡為乎天天厭漢也胡謂非天天宋睽也宋睽則那而
集其老天不其奪天不其保叔破旦斧叔毀孔日天而
能保則握其古公未再相國人曰賢公既再去左右乃
懼謂公賢矣莫留其歸公不賢矣國人我欺招以萬口
麾以一手一不勝萬其然其否彼退則憂公進則憂憂
同而殊國家之謀正叔之學公則心之君實之德公則

身之因心以身因身以君正君以祖太太真仁相于兩
朝暮年期月日洗天澄淮安江謚期月乃爾胡不百年
公而百年公無地安公今安矣民則艱矣呼公不聞民
則潛潛蹢蹢小子受知惟深道學之傳可援于心報公
則無雨以清血俎以名誼軒以誠實羸然倚廬莫望喪
車千里一觴公其吐諸

祭羅季呂文

惟靈蕝而不穡蕝而不的有鬱斯幹而不千尺不惟天

倫滴淚到泉凡我昏友誰其不潛子之尊公非異人望
心子目子搏扶而上心久益堅目久而穿豈子不願然
懸乎天天司下人培淑實慝子慝則無而至此極春如
其容淵如其衷蔚如其詞竟不其逢吾文則蕪聊復子
慰子知不知涕則潰潰

祭劉公佐致政奉議文

疇昔之秋我往拜公公老不扶髮顏白紅秋又聿至則
聞公病我首斯經莫或遑省云何不淑遽至於斯以哀

弔哀有國無之我不知公知公者天弟仕兄及德高於
年子賢而文我友之冕義均孔懷豈特姻婭兩翁斯憂
曰予兩家百世相繆其憂則私其意不私交不金石義
斯磷緇公今千載言復奚益一觴觴公我淚沾臆

祭趙子顯直閣文

具位楊某謹東向慟哭百拜謹以清酌之奠致祭某官
之靈歲在辛巳敵人入邊謂吾大江可投以鞭諸將千
屯雲崩濤退天子自將與敵作對大江之濱有金其城

歸然孤堅敵不敢撓匪人斯畏伊人斯忌其人為誰趙
公刺史城以公崇江以公深餉以公豐敵以公擒公忠
而勞民感以奮南國既寧公功誰問臺閣造天不以公
登艷預如象乃以公行蜀天遼遼公以喪返摧國之楨
萬心一怨嗟我孤窮恩深惟公赴告來思悲填於胸職
司其守莫哭於柩挹醴注茲詞以為侑

祭九叔知縣文

嗚呼惟我與公豈如他人族則小疏情則至親名則二

人實則一身自幼至壯于學于仕我有公隨公無我棄
公倡我和疇同疇異吾少也賤無廬於鄉流離之悲我
豈無傷公曰子歸子去我恥他鄉之人何得留子卜隣
接屋此心疇知竹林之游老以為期別公三年此豈曰
久如何公歸乃在於柩我忽無公如厦失梁如駕失輶
如涉失航天乎痛哉焉用呼天曰天與善公胡為然厥
操柏竹厥德龜玉厥詩厥文凡今之獨天不祐公曷付
之茲既曰付之曷不祐之西垣南臺皆公知己薦口方

開公則已矣我以官居會哭則那寓辭一哀公乎奈何
尚鄉食

祭虞丞相文

具官某謹以清酌之奠西望再拜致祭于近故宣撫少
保左丞相先生之靈嗚呼雄矣北兵峙于淮壩氣無長
江不曰投鞭錡也既退權也亦潰孰宣王靈作我藩衛
公以書生雍容請行澹乎無營安乎無驚夫而石而公
則身之有殞我躬無傷我師三軍一人萬人一心彼自

旋師無勞我擒長蛇噬矣公其殪矣有昊圯矣公其起
矣宗祏殆矣公其妥矣黔黎泯矣公其拯矣其後十年
乃相吾君進退速遲盍詢國人人曰公來四方庶平公
曰吾歸西鄙匪輕俾民知兵俾兵知畊雜渭之濱前無
孔明大功垂成大星夜墮我師相泣敵兵交賀公宅於
揆人或公咎今皆公思公豈復有維彼之人於公曷畏
曷存而忌曷亡而喜維此之人於公曷疑曷生而譏曷
沒而思在昔聖賢疇免乎是苟無天日我心則愧維公

平生憂國如醒齋志下泉目其能瞑昔公在位如富范
韓古風蕭蕭公欲追還率籲衆俊載飛載集而我何為
亦寘百執我思其人玉立長身凜然目中御風駕雲思
之彌近忽然彌遠西望岷峨有淚如綫嗚呼哀哉尚饗

祭汪氏夫人文

嗚呼近世大家孰振厥華于江之涯惟王與汪于闕有
光歸然相望有齊夫人維汪之孫王氏是嬪茂族相輝
是似是宜孰盛于夷象服沃如壺彝穆如婦德肅如邦

君之來魚軒則偕鵲巢與儕云何不淑逝者其速隕霜
于菽菲然醴饗不忝不豐小君之恭

汪氏夫人路祭文

夫人所怙肇自幕府扶日御天再考宋宇遂相光堯宅
是元輔中興疇庸其孰與侶如夏如艾如周山甫如漢
鄧禹如唐尚父盛德所流實潤實溥是生夫人典則有
裕蘋蘩中清環珮中矩謂天不祐德豐厥付謂天不忒
齡嗇厥與邦君方昌雲翔鳳翥諸郎玉立繼繼多譽偕

老之章陟屺之句莫遂此詩誰謂荼苦江水沍只江月
暮只靈載路只歆此醑只

祭羅元忠文

代內

嗚呼手足之親實惟八人三兄五妹相依以生仲氏夙
喪伯氏繼往維我季兄既老益壯嗟我夫婦宦游東西
庚寅之別五年乃歸昨一見兄已有病顏今升兄堂兄
聿蓋棺長松既仆小草何附蒼天蒼天有此惻楚翩翩
者旌近彼幽宮一觴永訣悲不可終

祭三十五叔婆蕭氏文

於穆夫人憲部之孫大夫之婦保昌之嬪迺玉厥德閨
中維則贊贊保昌俾劬厥職保昌倦飛棄官言歸二老
其皤松雪相輝教子弄孫芝秀蘭茁慶流如川有溢無
竭保昌既逝夫人獨存如彼靈光歸然益尊云胡不淑
媛草斯瘁美擯斯殪象服斯闕嗟我先妣幼失外家鞠
於夫人德豈有涯我見夫人妣如存焉歸而不見淚如
迸泉尚饗

祭劉雱都先生夫人彭氏文

疇昔零陵師生同僚日親範摸日聆英韶既而兩家復
締姻好先人康強先生未老繫我老母相從夫人尊酒
徵逐兩家如春歲在甲申我失所怙曠曠無依視師猶
父先生繼往夫人白首兩家北堂二老眉壽如何不淑
夫人隕傾赴告鼎來令人怛驚懿懿夫人淑問有耀班
姑之文孟母之教毗我先生丕崇德門命服有華丕顯
厥身既貴且耄夫復奚恨家失賢母子孫之懜我將使

指詔遙其行弔之不得有慟失聲尚饗

祭張欽夫文

具官某謹以清酌之奠致祭於近故欽夫安撫左司之
靈嗚呼孰航斯世不挾斯柅舍繫即濟孰玉厥躬不瑩
厥蒙宵征不烽古我潛聖天實鐸之洌彼淵泉飲者酌
之學外曰政人外曰天茲不曰欺天其厭旄孟聞諸伋
程聞諸孟伋聞諸參參聞諸聖聖也析薪疇荷其重程
也執柯實胄其冢孰冢乎程紫巖先生紫巖有子紫巖

是似紫巖南軒胥為後先聖域有疆南軒拓之聖門有
鑰南軒擴之聖田有秋南軒獲之我稼在圃其穀士女
其饗有昊其烝皇祖云胡不淑上天雨霜嘉穀既零我
心孔傷孰琢我璞孰斤我璽孰疾我藥九京不作豈我
之私毗失母慈士失宗師邦失倚毗已乎南軒不耆其
年不遐其騫天胡云然延顏之光揭孟之芒昭回彼蒼
公未或亡歲在辛卯修門語離相從濠梁白首為期誰
謂此別是曰永訣淚盡眼枯續之以血嗚呼哀哉尚饗

祭葉夫人文

嗚呼結綠懸黎生於玉山火齊照乘出於龍淵世無賢
母安得賢子山淵鬱蔥珠玉是侶於穆夫人禮儀閑閑
圖史拳拳言德安安吉蠲蘋蘩肅肅雖佩環訓子其勤建
家其艱式洪其源式崛其門象服脂田龍光便蕃中庭
有蘭中堂有萱豈曰家慶衣冠之盛壽母之頌彤管之
風變為蓼莪其誰弗恫某昔與賢子同科同舍東傾西
應志無殊者升堂拜母此禮末陳生芻一束哭以斐文

尚饗

誠齋集卷一百二